




VÁLGA

Stuorradigge- ja
sámediggeválgá 2025

Nordsamisk / Sámeigiella

Dehálaš dieđut dutnje gii áiggut jienastit

Válgabeaivi lea 8. čakčamánnu.
Muitte persovdnaduodášusa.



Stuorradigge- ja sámediggeválgga 2025

Juohke 4. jagi mii válljet gii galgá Stuorradikkis min ovddastit. Stuorradikki deháleamos bárggut leat lágaid ja stáhta bušeahttaid mearridit, ja dárkkistit ráđđehusa.

Norggas lea Sámediggi sámeálbmoga álbmotválljejuvvon parlameanta ja lea iešheanálaš álbmotválljejuvvon ásašus. Don sáhtat lohkat eambbo sámediggeválgga birra sámedikki neahttasiiddus: sametinget.no.

Dán gihppagis beasat lohkat dieđuid stuorradiggeválgga birra, ja movt galggat jienastit.

Válgabeaivi lea vuossárgga 8. čakčamánnu 2025.

Mánnga gielddain sáhtat maiddá jienastit sotnabeaivve čakčamánu 7. beaivvis. Lea maiddá vejolaš ovdalgihte jienastit olles riikas borgemánu 11. beaivvis gitta čakčamánu 5. beaivvi rádjai. Muite persovdnaduodášusa.



Muite persovdnaduodášusa go jienastat

Go áiggut jienastit fertert čájehit persovdnaduodášusa. Persovdnaduodášusasgalgá leamin du namma, riegádanbeaivi ja govva. Dat sáhtá leamin omd. pássa, nášuvnnalaš ID-koarta, vuodjinkoarta, dahje bándjekoarta mas lea du govva.

Jus leat muhtun ásašusas orrumin, nu mo omd. buhcciidsiiddas, buohcceviesus dahje giddagasas, sáhtat oažžut veahki du ásašusa bargis duođaštit du identitehta. Dát bargi dalle maiddá ferte iežas identitehta duođaštit.



Gii sáhtá jienastit?

Dus lea jienastanriekti stuorradiggeválggas jus:

- leat norga stáhttaborgár
- leat deavdán, dahje deavddát 18 jagi 2025 jagi siste
- leat orrun, dahje orut norggas, ja leat álbmotregisttaris registrerejuvvon



Goas ja gos sáhtat jienastit?

Dus lea vejolašvuohta **ovdalgiithe jienastit** vuossárgga 11. borgemánu rájes, gitta vuossárgga 5. čakčamánu radjai. Don maid sáhtat jienastit buot gielddain.

Válgabeaivvis fertet jienastit iežat ruovttugielddas gos leat álbmotregistrerejuvvon. Du ruoktogielda lea dat gielda mas leat ássan manjimuččat 30. geassemánu 2025 rájes, dahje dan ovdal. Sáhtat jienastit buot válgalanjain du ruovttugielddas.

Jus dus ii leat vejolašvuohta jienastit válgabeaivvis dahje áigodagas goas sáhtta ovdalgiithe jienastit, sáhtat sihtat iežat ruovttugielddas dáhkat árrajienasteami. Árrajienasteapmi álgá 1. suoidnemánus.

Lea maddái vejolaš jienastit olgoriikas 1. geassemánu rájes gitta 29. borgemánu radjai.




Gávnna du válgalanja neahttasiiddus:
valglokaler.no

Ná jienastat iežat ruovttugielddas




Váldde jienastanlihpu man áiggot geavahit.



Máhco jienastanlihpu nu ahte bellodaga namma máhcchojuvvo sisaguovlui, ja steampalastinsadji oidno olggobealde. Dán láhkai earát eai oainne maid jienastat. Ále bija jienastankoarta konvoluhtta sisa, dahje geavat eará tinggaid bidjat jienastanlihpu birra.



Váldde jienastanlihpu válgabargi lusa vai beasat oažžut steampala dasa. Lea dehálaš ahte jienastanlihpus lea steampal vai dohkkehuvvo.



Bija jienastanlihpu jienastanlihtái.



Ná jienastat iežat ruovttugieldda olggobealde

Jus jienastat iežat ruovttugieldda olggobealde, don oaččut jienastanlihpu mainna beasat jienastit. Dán jienastanlihpus leat buot politihkkálaš bellodagaid namat mat ožžo unnimusmeari 5000 jienaid olles norggas ovddit stuorradiggeválggas, dahje leat registrerejuvvon ovddit stuorradiggeválgga maŋŋá. Don fertet russet dan bellodaga man áiggut jienastit. Dán jienastanlihpus eai leat bellodaga kandidáhtaid namat čállon.

Jus it gávnna bellodaga dahje joavkku man hálidat jienastit, sáhtat ieš čállit dán bellodaga dahje joavkku nama jienastanlihppui.

Du jienastanlihppu sáddejuvvo du ruovttugildii lohkamii.

Jus leat buohcamin dahje bargonávceheapmin, dus lea vejolašvuohta váldit oktavuodá iežat gielddain nu ahte beasat ovdalgihtii jienastit ruovttus. Áigemearri ohcat veahkki gielddas vai beasat jienastit ruovttus, lea duorastaga 4. čakčamánnu, dii. 12:00.

Sáhat oažžut veahkki jienastit válgalanjas

Váldde oktavuodá válgamielbargin jus dus leat gažaldagat, dahje darbbašat veahki go áiggut jienastit. Válgamielbargiiguin lea jávohisvuodageatnegasvuohta.

Jus leat doaibmahehttejuvvon ja dan diihte it sáhte jienastit okto, dus lea riekti oažžut veahki. Don sáhtat oažžut veahki válgamielbargis dahje eará olbmos gean ieš leat válljen.

Jienastanrievtti birra

Buohkain geain lea jienastanriekti ožžot dieđu válgadirektoráhttas. Dán láhkai oaččut duođášusa ahte dus lea jienastanriekti. Válgadirektoráhtta maid muitala dieđus gos ja goas sáhttat jienastit válgabeaivvis, ja eará áššáigullelaš dieđuid.

Dát diehtu sáddejuvvo du digitála poastakássii dahje Altinnii. Jus leat várren iežat digitála gulahallama vuostá almmolašvuođain, dahje it leat geavahan IDuskkádaga manemuš 18 mánu siste oaččut dieđuid bábirhámis.

Váldde ruovttugiielddain oktavuoda jus it leat ožžon dáid dieđuid, dahje leat eahpesihkar jus dus lea jienastanriekti.

Ovdal sáddejuvvojedje jienastanlihput jienasteaddjiide. Dát vierru lea dál heaittihuvvon. 2025 jagi stuorradiggeválgga rájes jienasteaddjiide eai šat sáddejuvvo jienastanlihpput. Don galggat dušše buktit mielde iežat persovdnaduođášusa go jienastat.

Gávna eambbo dieđuid neahttasiiddus: **valg.no**

Gii válljejuvvo?

Stuorradiggeválggas válljejuvvojit 169 ovddasteaddjit stuorradiggái juhkkjuvvon 19 válgaguovlluide. 150 ovddasteaddjit válljejuvvojit njuolga dáid válgaguovlluin. Dasa lassin válljejuvvo okta dássemandáhta juohke jienastanguovllus. Oktiibuot šaddet 19 dássemandáhtat.

Go jienastat stuorradiggeválggas, don leat mielde mearrideamin geat dát 169 ovddasteaddjit galget leamin.

Čiegusválga

Válga lea čiegus. Dat mearkkaša ahte don ieš válljet man jienastanlihpu válddát ja galgat máhcut dan okto nu ahte earát eai oainne dan.

Čiegusválga maid addá dutnje vejolašvuođa báhkkit iežat oaivila balu haga go earát eai beasa diehtit dahje oaidnit maid jienastat.

Almmohuvvon 2025 jagis Válgadirektoráhttas.
Publikašuvdna gávdno dárogiela girjegillii, ođđadárogiillii, sámegillii, ja logi eará gielain.

Gávnna eambbo dieđuid neahttasiiddus: **valg.no**



Skánne QR-koda vai beasat gihppaga lohkat eará gielain.